



Св. Юродивая Ксения Петербургская



АКАФИСТ  
КСЕНИИ ПЕТЕРБУРГСКОЙ

### **КОНДАК 1.**

ИЗБРА́ННАЯ УГО́ДНИЦА И ХРИСТА́ РА́ДИ ЮРО́ДИВАЯ,  
СВЯТА́Я БЛАЖЕ́ННАЯ МА́ТИ КСЕ́НИЕ,  
ИЗБРА́ВШАЯ ПО́ДВИГ ТЕРПЕ́НИЯ И ЗЛОСТРАДА́НИЯ,  
ХВАЛЕ́БНОЕ ПЕ́НИЕ ПРИНО́СИМ ТИ́, ЧТУ́ЩИЯ СВЯТУ́Ю  
ПА́МЯТЬ ТВОЮ́.

ТЫ́ ЖЕ ЗАСТУПИ́ НА́С ОТ ВРА́Г ВИ́ДИМЫХ И НЕВИ́ДИМЫХ,  
ДА ЗОВЕ́М ТИ́:

РА́ДУЙСЯ, КСЕ́НИЕ БЛАЖЕ́ННАЯ, МОЛИ́ТВЕННИЦЕ О ДУША́Х  
НА́ШИХ.

### **ЎКОС 1.**

РАВНОА́НГЕЛЬНАГО ЖИТИ́Я ВЗЫСКА́ЛА ЕСИ́, БЛАЖЕ́ННАЯ  
МА́ТИ,

ПО УСПЕ́НИИ МУ́ЖА ТВОЕГО́ ОТВЕР́ГЛА ЕСИ́ МИ́РА СЕГО́  
КРАСОТУ́ И ВСЯ́, ЯЖЕ В НЕ́М:

ПО́ХОТЬ ОЧЕ́С, ПО́ХОТЬ ПЛО́ТИ И ГО́РДОСТЬ ЖИТЕ́ЙСКУЮ,  
ЮРО́ДСТВОМ РА́ЗУМ ХРИСТО́В СТЯЖА́ЛА ЕСИ́.

ТОГО́ РА́ДИ УСЛЫ́ШИ ОТ НА́С ПОХВАЛЫ́, ТЕБЕ́  
ВОЗНОСИ́МЫЯ:

РА́ДУЙСЯ, ЖИТИ́ЕМ ТВОИ́М АНДРЕ́Ю, ХРИСТА́ РА́ДИ  
ЮРО́ДИВОМУ РА́ВНАЯ;

РА́ДУЙСЯ, И́МЕНИ СВОЕГО́ ОТРЕ́КША́ЯСЯ, СЕБЕ́ ЖЕ  
УМЕ́РШЕЙ ИМЕНОВА́ВШАЯ.

РА́ДУЙСЯ, В ЮРО́ДСТВЕ И́МЯ МУ́ЖА ТВОЕГО́ АНДРЕ́Я  
ПРИЯ́ВШАЯ;

РА́ДУЙСЯ, И́МЕНЕМ МУ́ЖЕСКИМ НАЗВА́ВШИ́СЬ, НЕ́МОЩИ  
ЖЕ́НСКОЙ ОТРЕШИ́ВША́ЯСЯ.

РА́ДУЙСЯ, ВСЕ́ ИМЕ́НИЕ ТВОЕ́ ДО́БРЫМ ЛЮ́ДЯМ И НИ́ЩИМ  
РАЗДА́ВША́Я;

РА́ДУЙСЯ, НИЩЕТУ́ ДОБРОВО́ЛЬНУЮ ХРИСТА́ РА́ДИ  
ПРИЯ́ВША́Я.

РА́ДУЙСЯ, ВЕ́КА СЕГО́ СУЕМО́УДРИ́Я ЮРО́ДСТВОМ ТВОИ́М  
ОТВЕРГА́ТИ́СЯ НА́С НАУЧИ́ВША́Я;

РА́ДУЙСЯ, БЛАГА́Я УТЕ́ШИТЕЛЬНИЦЕ ВСЕ́Х, В МОЛИ́ТВЕ К  
ТЕБЕ́ ПРИБЕГА́ЮЩИХ.

РА́ДУЙСЯ, КСЕ́НИЕ БЛАЖЕ́ННАЯ, МОЛИ́ТВЕННИЦЕ О ДУША́Х  
НА́ШИХ.

## КОНДАК 2.

ВІДЯ СТРАННОЕ ТВОЁ ЖИТИЁ, ЯКО ТЫ́ ПРЕЗРЕ́ЛА ЕСІ́  
ДО́М СВО́Й И ВСЯКОЕ МИРСКО́Е БОГА́ТСТВО,  
РОДНЫ́Е ПО ПЛО́ТИ БЕЗУ́МНОЙ ТЯ́ ПОЛАГА́ХУ,  
ЛЮ́ДИЕ ЖЕ ГРА́ДА ПЕТРО́ВА, ВІДЯ СМІРЕ́НИЕ ТВОЁ́,  
НЕСТЯЖА́НИЕ И ВО́ЛЬНУЮ НИЩЕ́ТУ, ВОСПЕ́ЛИ БО́ГУ:  
АЛЛИЛУ́ИА.

## ЎКОС 2.

РА́ЗУМ, ОТ БО́ГА ТЕБЕ́ ДА́ННЫЙ, ТЫ́, КСЕ́НИЕ БЛАЖЕ́ННАЯ, В  
МНІ́МОМ БЕЗУ́МИИ СКРЫ́ЛА ЕСІ́;

В СУЕ́ТЕ ГРА́ДА ВЕЛІ́КАГО А́КИ ПУСТЫ́ННИЦА ЖИЛА́ ЕСІ́,  
МОЛІ́ТВЫ БО́ГУ СВО́Й ВОЗНО́СЯ НЕПРЕСТА́ННО.

МЫ́ ЖЕ, ДИВЯ́ЩЕСЯ ТАКОВО́МУ ЖИТИ́Ю ТВОЕ́МУ́, ВЗЫВА́ЕМ  
ТЕБЕ́ ХВАЛЕ́БНО:

РА́ДУЙСЯ, КРЕ́СТ ТЯ́ЖКИЙ ЮРО́ДСТВА, ОТ БО́ГА ТЕБЕ́  
ДА́ННЫЙ, НА РА́МА СВОЯ́ ПРИЯ́ВШАЯ;

РА́ДУЙСЯ, МНІ́МЫМ БЕЗУ́МИЕМ СІЯ́НИЕ БЛАГОДА́ТИ  
СКРЫВА́ВШАЯ.

РА́ДУЙСЯ, ДА́Р ПРОЗО́РЛИВОСТИ СМІРЕ́НИЕМ КРА́ЙНИМ И  
ПО́ДВИГОМ МОЛІ́ТВЫ СТЯЖА́ВШАЯ;

РА́ДУЙСЯ, ДА́Р СЕ́Й НА ПО́ЛЬЗУ И СПАСЕ́НИЕ СТРА́ЖДУЩИХ  
ЯВЛЯ́ВШАЯ.

РА́ДУЙСЯ, СТРАДА́НИЯ ЛЮДСКІ́Я ПРОЗО́РЛИВО В ДА́ЛИ  
НЕОБОЗРІ́МЕЙ ЗРЕ́ВШАЯ;

РА́ДУЙСЯ, ЖЕНЕ́ ДО́БРОЙ О РОЖДЕ́НИИ СЫ́НА ПРОРЕ́КШАЯ.

РА́ДУЙСЯ, ЯКО ЖЕНЕ́ ТО́Й У БО́ГА ЧА́ДО ИСПРОСИ́ВШАЯ;

РА́ДУЙСЯ, ВСЕ́Х К БО́ГУ В МОЛІ́ТВЕ ПРИБЕГА́ТИ  
НАУЧИ́ВШАЯ.

РА́ДУЙСЯ, КСЕ́НИЕ БЛАЖЕ́ННАЯ, МОЛІ́ТВЕННИЦЕ О ДУША́Х  
НА́ШИХ.

### **КОНДАК 3.**

СИЛОЮ СВѢШЕ, ОТ БОГА ТЕБѢ ДАРОВАННОЙ, ЗНОЙ И  
ЛЮТУ СТУЖУ МУЖЕСТВЕННО ПРЕТЕРПЕВАЛА ЕСИ,  
РАСПИНАЯ ПЛОТЬ СВОЮ СО СТРАСТЬМИ И ПОХОТЯМИ.  
ТЕМ ЖЕ ДУХОМ СВЯТЫМ ПРОСВЕЩАЕМАЯ, ВЗЫВАЛА  
НЕПРЕСТАННО БОГУ: АЛЛИЛУИА.

### **ЎКОС 3.**

ИМЕЯ, О БЛАЖЕННАЯ, НЕБО ПОКРОВОМ СЕБѢ, ЗЕМЛЮ ЖЕ  
ЛОЖЕМ СВОИМ, ОТВЕРГЛА ЕСИ ПЛОТООУГОДИЕ ЦАРСТВА  
БОЖИЯ РАДИ.

МЫ ЖЕ, ЗРЯЩЕ ТАКОВОЕ ТВОЕ ЖИТИЕ, СО УМИЛЕНИЕМ  
ЗОВЕМ ТИ:

РАДУЙСЯ, ЖИЛИЩЕ СВОЕ ЗЕМНОЕ ЛЮДЯМ ОТДАВШАЯ;  
РАДУЙСЯ, НЕБЕСНАГО КРОВА ВЗЫСКАВШАЯ И  
ПОЛУЧИВШАЯ.

РАДУЙСЯ, НИЧТОЖЕ ЗЕМНОЕ ИМУЩАЯ, А ВСЕХ ДУХОВНО  
БОГАТЯЩАЯ;

РАДУЙСЯ, ЖИТИЕМ СВОИМ ТЕРПЕНИЮ НАС НАУЧАЮЩАЯ.

РАДУЙСЯ, ЛЮБОВЬ БОЖИЮ ЛЮДЯМ ПОКАЗУЮЩАЯ;

РАДУЙСЯ, ПЛОДАМИ БЛАГОЧЕСТИЯ УКРАШЕННАЯ.

РАДУЙСЯ, ТЕРПЕНИЕ И НЕЗЛОБИЕ МИРУ ЯВИВШАЯ;

РАДУЙСЯ, ТЕПЛАЯ ПРЕДСТАТЕЛЬНИЦА НАША ПЕРЕД  
ПРЕСТОЛОМ ВСЕВЫШНЯГО.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

#### **КОНДАК 4.**

БУРЮ ЖИТЕЙСКУЮ, ВО ГРАДЕ ПЕТРОВЕ МЯТУЩУЮСЯ,  
КРОТОСТИЮ И НЕЗЛОБИЕМ ПРЕДОЛЕЛА ЕСИ,  
БЛАЖЕННАЯ МАТИ, БЕЗСТРАСТИЕ ЖЕ К ТЛЕННОМУ МИРУ  
СТЯЖАЛА ЕСИ. ТЕМ ЖЕ И ПОЕШИ БОГУ: АЛЛИЛУИА.

#### **ИКОС 4.**

СЛЫША О ТЕБЕ, ЯКО ТЫ, ЗЛОСТРАЖДА ХРИСТА РАДИ,  
СКОРБНЫХ УТЕШАЕШИ, НЕМОЩНЫХ УКРЕПЛЯЕШИ,  
ЗАБЛУЖДШИХ НА ПУТЬ ПРАВИЙ НАСТАВЛЯЕШИ, ЛЮДИЕ  
СТРАЖДУЩИЯ К ПОМОЩИ ТВОЕЙ ПРИБЕГАХУ,  
ВОСПЕВАЮЩЕ ТЕБЕ:

РАДУЙСЯ, ПУТЬ ХРИСТОВ ВСЕМ СЕРДЦЕМ ВОЗЛЮБИВШАЯ;

РАДУЙСЯ, КРЕСТ ХРИСТОВ РАДОСТНО ПОНЕСШАЯ.

РАДУЙСЯ, ВСЯКОЕ ПОНОШЕНИЕ ОТ МИРА, ПЛОТИ И  
ДИАВОЛА ПРЕТЕРПЕВШАЯ;

РАДУЙСЯ, ДАРОВ БОЖИИХ ПРЕИСПОЛНЕННАЯ.

РАДУЙСЯ, ЛЮБОВЬ К БЛИЖНИМ ЯВИВШАЯ;

РАДУЙСЯ, СТРАЖДУЩИМ ЛЮДЯМ УТЕШЕНИЕ  
ПОДАВАВШАЯ.

РАДУЙСЯ, СЛЕЗУ ПЛАЧУЩИХ ОТИРАВШАЯ;

РАДУЙСЯ, БЛАГОДАТИЮ ДУХА СВЯТАГО ЧУДЕСНО  
СОГРЕВАЕМАЯ.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

## **КОНДАК 5.**

БОГОТЭЧНОЙ ЗВЕЗДОЮ ЯВИЛАСЯ СВЯТОСТЬ ТВОЯ,  
КСЕНИЕ БЛАЖЕННАЯ, ОСВЕТИВШАЯ НЕБОСКЛОН ГРАДА  
ПЕТРОВА. УЖЕ БО ЛЮДЕМ, ГИБНУЩИМ В БЕЗУМИИ ГРЕХА,  
ТЫ ЯВИЛА ПУТЬ СПАСЕНИЯ, ВСЕХ К ПОКАЯНИЮ  
ПРИЗЫВАЯ, ВО ЕЖЕ ВОПИТИ БОГУ: АЛЛИЛУИА.

## **ИКОС 5.**

ВИДЯ ПОДВИГИ ТВОЯ В МОЛИТВЕ, ТЕРПЕНИИ ХЛАДА И  
ЗНОЯ, БЛАГОЧЕСТИВЫЕ ЛЮДИ ПЫТАХУСЯ УМАЛИТИ  
СТРАДАНИЯ ТВОЯ,  
ОДЕЖДУ ТЕБЕ И ПИЩУ ПРИНОСЯЩЕ.  
ТЫ ЖЕ ВСЯ СИЯ НИЩИМ РАЗДАВАЛА ЕСИ, ЖЕЛЯЯ В ТАЙНЕ  
ПОДВИГ СВОЙ СОХРАНИТИ.  
МЫ ЖЕ, ДИВЯСЯ ВОЛЬНЕЙ НИЩЕТЕ ТВОЕЙ, ВЗЫВАЕМ ТИ  
СИЦЕ:  
РАДУЙСЯ, ЗНОЙ И СТУЖУ ХРИСТА РАДИ ДОБРОВОЛЬНО  
ТЕРПЕВШАЯ;  
РАДУЙСЯ, В МОЛИТВЕ НЕПРЕСТАННО ПРЕБЫВАВШАЯ.  
РАДУЙСЯ, ГРАД ПЕТРОВ ВСЕНОЩНЫМ БДЕНИЕМ ОТ БЕД  
ОГРАЖДАВШАЯ;  
РАДУЙСЯ, ГНЕВ БОЖИЙ МНОГАЖДЫ ОТ НЕГО  
ОТВРАЩАВШАЯ.  
РАДУЙСЯ, ВО ВСЕ ДНИ ГОДА НОЧАМИ В ПОЛЕ  
МОЛИВШАЯСЯ;  
РАДУЙСЯ, СЛАДОСТЬ РАЙСКУЮ В НИЩЕТЕ ДУХОВНОЙ  
ВКУСИВШАЯ.  
РАДУЙСЯ, ЯКО В СЛАДОСТИ СЕЙ ВСЯ ЗЕМНАЯ  
ОСТАВИВШАЯ;  
РАДУЙСЯ, ЯКО ВСЯ В БОЗЕ ПРЕБЫВАВШАЯ.  
РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

### **КОНДАК 6.**

ПРОПОВЕДУЮТ СВЯТОСТЬ ЖИТИЯ ТВОЕГО,  
БОГОБЛАЖЕННАЯ, ВСИ ИЗБАВЛЕННИИ ТОБОЙ ОТ  
МНОГОРАЗЛИЧНЫХ БОЛЕЗНЕЙ, БЕД И СКОРБЕЙ, БОГАТИИ  
И УБОЗИИ, СТАРЦЫ И ЮНЫЯ. ТЕМ ЖЕ И МЫ,  
ПРОСЛАВЛЯЮЩЕ ТЯ, БОГУ ВОПИЕМ: АЛЛИЛУИА.

### **ЎКОС 6.**

ВОЗСИЯЛА СЛАВА ПОДВИГОВ ТВОИХ, БЛАЖЕННАЯ МАТИ,  
ЕГДА ТЫ НОЩИЮ СТРОИТЕЛЕМ ЦЕРКВИ СМОЛЕНСКОЙ  
КАМНИ ТАЙНО НОСИЛА ЕСИ, ОБЛЕГЧАЯ ДЕЛАТЕЛЕЙ  
ЦЕРКОВНЫХ.

СИЯ ВЕДУЩЕ, И МЫ ГРЕШНИИ ЗОВЕМ ТИ ТАКОВАЯ:  
РАДУЙСЯ, ТАЙНО ТВОРИТИ ДОБРОДЕТЕЛИ НАС  
НАУЧАЮЩАЯ;

РАДУЙСЯ, К ПОДВИГОМ БЛАГОЧЕСТИЯ ВСЕХ  
ПРИЗЫВАЮЩАЯ.

РАДУЙСЯ, СТРОИТЕЛЕМ ХРАМОВ БОЖИИХ ПОМОГАЮЩАЯ;  
РАДУЙСЯ, СВЯТОСТЬ ЦЕРКОВНУЮ ВОЗЛЮБИВШАЯ.

РАДУЙСЯ, ТРУДЫ НАШИ НА ПУТИ СПАСЕНИЯ  
ОБЛЕГЧАЮЩАЯ;

РАДУЙСЯ, К ТЕБЕ ПРИБЕГАЮЩИХ СКОРАЯ ПОМОЩНИЦА.

РАДУЙСЯ, ВСЕМ СКОРБЯЩИМ БЛАГАЯ УТЕШИТЕЛЬНИЦА;

РАДУЙСЯ, ГРАДА ПЕТРОВА НЕБЕСНАЯ ЗАСТУПНИЦА.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

## **КОНДАК 7.**

ХОТЯ ИЗБАВИТИ ОТ СКОРБИ ПЛАЧУЩАГО ВРАЧА, ЖЕНУ ХОРОНИВШАГО, ТЫ ПОВЕЛЕЛА НЕКОЕЙ ДЕВИЦЕ НА ОХТУ БЕЖАТИ И ТАМО МУЖА СЕБЕ ОБРЕСТИ И УТЕШИТИ. И СОВЕРШИШАСЯ ТАКО, ЯКОЖЕ ТЫ РЕКЛА ЕСИ. ОНИ ЖЕ В РАДОСТИ ВОСПЕША БОГУ: АЛЛИЛУИА.

## **ИКОС 7.**

НОВОЕ ЧУДО В МОЛИТВЕ СВОЕЙ ПОКАЗАЛА ЕСИ ТЫ, БЛАЖЕННАЯ МАТИ, ЕГДА РЕКЛА ЕСИ ЖЕНЕ БЛАГОЧЕСТИВОЙ: “ВОЗЬМИ ПЯТАК, ПОТУХНЕТ”. СИМ ПРОРЕКЛА ЕЙ О ПОЖАРЕ ДОМА ЕЯ. И ПО МОЛИТВЕ ТВОЕЙ ПЛАМЕНЬ ОГНЯ УГАСЕ.

МЫ ЖЕ, ВЕДЯЩЕ СИЯ, ВОПИЕМ ТИ ПОХВАЛЬНАЯ:  
РАДУЙСЯ, СКОРБИ ЛЮДСКИЯ УГАШАЮЩАЯ;  
РАДУЙСЯ, ДЕРЗНОВЕНИЕ ПРЕД БОГОМ ЗА СТРАЖДУЩИХ ЯВИВШАЯ.

РАДУЙСЯ, СВЕЧЕ НЕУГАСИМАЯ, В МОЛИТВАХ К БОГУ ЯРКО ГОРЯЩАЯ;

РАДУЙСЯ, ПРЕДСТАТЕЛЬНИЦА НАША В БЕДАХ И НАПАСТЕХ.

РАДУЙСЯ, СТРАСТЬМИ ОДЕРЖИМЫХ ОТ ГИБЕЛИ СПАСАЮЩАЯ;

РАДУЙСЯ, БЛАГОЧЕСТИВЫХ ДЕВ ОТ БРАКА НЕВЕРНАГО ОТВРАЩАЮЩАЯ.

РАДУЙСЯ, КЛЕВЕТОЮ УЯЗВЛЕННЫХ ОТ ОТЧАЯНИЯ ИЗБАВЛЯЮЩАЯ;

РАДУЙСЯ, НА СУДЕ НЕПРАВЕДНОМ СКОРАЯ ЗАЩИТНИЦА.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ НАШИХ.



### **КОНДАК 8.**

СТРАННИЦЕЙ БЕЗДОМНЕЙ ПРОШЛА ЕСИ ПУТЬ ЖИЗНИ  
ТВОЕЙ В СТОЛЬНОМ ГРАДЕ ОТЕЧЕСТВА НАШЕГО,  
В ВЕЛИЦЕМ ТЕРПЕНИИ СКОРБИ И ПОНОШЕНИЯ НЕСЯ.  
НЫНЕ ЖЕ В ГОРНОМ ИЕРУСАЛИМЕ ПРЕБЫВАЯ, В РАДОСТИ  
ПОЕШИ БОГУ: АЛЛИЛУИА.

### **ИКОС 8.**

ВСЕМ ВСЯ БЫЛА ЕСИ, КСЕНИЕ БЛАЖЕННАЯ:  
СКОРБЯЩИМ УТЕШЕНИЕ, НЕМОЩНЫМ ПОКРОВ И  
ЗАЩИЩЕНИЕ, ПЕЧАЛЬНЫМ РАДОВАНИЕ, НИЩИМ  
ОДЕЯНИЕ, БОЛЯЩИМ ИСЦЕЛЕНИЕ.

СЕГО РАДИ И ВОПИЕМ ТЕБЕ:

РАДУЙСЯ, В ГОРНИХ, ОБИТЕЛЯХ ПРЕБЫВАЮЩАЯ;

РАДУЙСЯ, О НАС ГРЕШНЫХ ТАМО МОЛЯЩАЯСЯ.

РАДУЙСЯ, БЛАГИЙ ОБРАЗ СЛУЖЕНИЯ БОГУ ЯВИВШАЯ;

РАДУЙСЯ, УНИЖЕННЫХ И ГОНИМЫХ ПОКРОВИТЕЛЬНИЦА.

РАДУЙСЯ, ПРАВОСЛАВНЫЙ ЛЮД МОЛИТВАМИ ТВОИМИ  
ЗАСТУПАЮЩАЯ;

РАДУЙСЯ, ОБИДИМЫХ И МОЛЯЩИХСЯ ТЕБЕ  
ЗАЩИЩАЮЩАЯ.

РАДУЙСЯ, ОБИДЯЩИХ ВРАЗУМЛЯЮЩАЯ;

РАДУЙСЯ, НЕВЕРНЫХ И ГЛУМИТЕЛЕЙ ПОСРАМЛЯЮЩАЯ.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

### **КОНДАК 9.**

ВСЯКІЯ ПРЕТЕРПѢЛА ЕСІ БОЛѢЗНИ, БЛАЖЕННАЯ МАТИ,  
НИЩЕТУ ТЕЛЕСНУЮ, ГЛАД И ЖАЖДУ, ЕЩЕ ЖЕ И  
ПОНОШЕНИЕ ОТ ЛЮДЕЙ БЕЗЗАКОННЫХ, ИЖЕ МНЯХУ ТЯ  
БЕЗУМНОЙ БЫТИ.

ТЫ ЖЕ, ГОСПОДУ МОЛЯСЯ, ВИНУ ВЗЫВАЛА ЕМУ:  
АЛЛИЛУИА.

### **ИКОС 9.**

ВЕТИЯ МНОГОВЕЩАННЫЯ НЕ МОГУТ РАЗУМЕТИ, КАКО ТЫ  
БЕЗУМИЕМ СВОИМ БЕЗУМИЕ МИРА СЕГО ОБЛИЧИЛА ЕСИ И  
НЕМОЩИЮ СВОЕЮ ПОСРАМИЛА ЕСИ КРЕПКИЯ И МУДРЫЯ.  
НЕ ВѢДАЮТ БО В ТЕБЕ БОЖИЕЙ СИЛЫ И БОЖИЕЙ  
ПРЕМУДРОСТИ.

МЫ ЖЕ, ПОМОЩЬ ТВОЮ ПОЛУЧИВШЕ, ПОЕМ ТИ ТАКОВАЯ:  
РАДУЙСЯ, БОЖЕСТВЕННАГО ДУХА НОСИТЕЛЬНИЦЕ;  
РАДУЙСЯ, СО АПОСТОЛОМ ПАВЛОМ НЕМОЩИЮ СВОЕЮ  
ХВАЛИВШАЯСЯ.

РАДУЙСЯ, МНИМЫМ БЕЗУМИЕМ СВОИМ МИР  
ОБЛИЧИВШАЯ;

РАДУЙСЯ, КРАСОТУ ВЕКА СВОЕГО СПАСЕНИЯ РАДИ  
ОТВЕРГШАЯ.

РАДУЙСЯ, НЕБЕСНАЯ БЛАГА ВСЕМ СЕРДЦЕМ  
ВОЗЛЮБИВШАЯ;

РАДУЙСЯ, НА ПУТЬ СПАСЕНИЯ НАС ПРИЗЫВАЮЩАЯ.

РАДУЙСЯ, ВО ГРЕХЕ ПИЯНСТВА ГРОЗНАЯ  
ОБЛИЧИТЕЛЬНИЦЕ;

РАДУЙСЯ, БЕЗМЕЗДНЫМ ВРАЧЕМ И МИЛОСТИВЫМ ВСЕМ  
БЫВШАЯ.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

### **КОНДАК 10.**

ХОТЯ СПАСИТИ ДУШУ, ТЫ ПЛОТЬ СВОЮ СО СТРАСТЬМИ И  
ПОХОТЬМИ РАСПЯЛА ЕСИ И, НЕВОЗВРАТНО СЕБЯ  
ОТВЕРГШИ, КРЕСТ СВОЙ НА РАМА СВОЯ ВОЗЛОЖИЛА ЕСИ  
И ХРИСТУ ВСЕМ СЕРДЦЕМ ПОСЛЕДОВАЛА ЕСИ, ПОЯ ЕМУ:  
АЛЛИЛУИА.

### **ИКОС 10.**

СТЕНА ЕСИ ТВЕРДАЯ И ПРИБЕЖИЩЕ НЕОБОРИМОЕ  
ЯВИЛАСЬ МОЛЯЩИМСЯ ТЕБЕ, МАТИ КСЕНИЕ.  
ТЕМ ЖЕ ЗАСТУПАЙ И НАС ОТ ВРАГ ВИДИМЫХ И  
НЕВИДИМЫХ МОЛИТВАМИ ТВОИМИ, ДА ЗОВЕМ ТИ:  
РАДУЙСЯ, НА ТРУД ДУХОВНЫЙ НАС ВОЗДВИГАЮЩАЯ;  
РАДУЙСЯ, ОТ СЕТЕЙ ВРАЖИИХ НАС ИЗБАВЛЯЮЩАЯ.  
РАДУЙСЯ, ФИМИАМ КАДИЛЬНЫЙ, БОГУ ПРИНОСИМЫЙ;  
РАДУЙСЯ, МИР БОЖИЙ В СЕРДЦА ЛЮДЕЙ ПРИНОСЯЩАЯ.  
РАДУЙСЯ, ДУХ ЗЛОБЫ В СЕРДЦАХ ОЗЛОБЛЕННЫХ  
УГАШАЮЩАЯ;  
РАДУЙСЯ, ДЕТЕМ БЛАГИМ БЛАГОСЛОВЕНИЕ ПОДАЮЩАЯ.  
РАДУЙСЯ, ТАЙНОЮ МОЛИТВОЮ ИХ ОТ БОЛЕЗНЕЙ  
ИЩЕЛЯЮЩАЯ;  
РАДУЙСЯ, МИРУ ОЗЛОБЛЕННОМУ МУДРОСТЬ БОЖИЮ  
ЯВИВШАЯ.  
РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

### **КОНДАК 11.**

ПѢНИЕ ХВАЛѢБНОЕ ПРИНОСЯТ ТИ, КСѢНИЕ БЛАЖЕННАЯ, СПАСШИЕСЯ ТВОИМИ МОЛІТВАМИ ОТ БѢД И СКОРБѢЙ, И ВСЯКИХ НАПАСТЕЙ, И КЪПНО С ТОБОЮ РАДОСТНО ПОЮТ БОГУ: АЛЛИЛУІА.

### **ЎКОС 11.**

СВЕТОЗАРНЫМ СВѢТОМ ЯВИЛОСЬ ЖИТИЕ ТВОЕ, СВЯТАЯ МАТИ, ВО МРАКЕ ЖИТИЯ СЕГО ОСВЕЩАЮЩИМ ЛЮДИ. ТЫ БО ПАДШИХ ИЗ ТИНЫ ГРЕХА ИЗБАВИЛА ЕСИ И К СВѢТУ ХРИСТОВУ НАПРАВИЛА ЕСИ ПУТЬ ИХ.

ТЕМ ЖЕ И ЗОВЕМ ТИ:

РАДУЙСЯ, ПРАВОСЛАВНЫХ ЛЮДЕЙ БОЖИИМ СВѢТОМ ПРОСВЕЩАЮЩАЯ:

РАДУЙСЯ, ХРИСТОВА УГОДНИЦА, В МИРЕ НАДМИРНО ПОЖИВШАЯ.

РАДУЙСЯ, ТРУДЫ МНОГИМИ ВЕЛИКУЮ БЛАГОДАТЬ СТЯЖАВШАЯ;

РАДУЙСЯ, ВО ТЬМЕ ГРЕХА БЛАГОДАТИЮ БОЖИЕЮ СІЯВШАЯ.

РАДУЙСЯ, ОТЧАЯВШИМСЯ НА ПУТИ СПАСЕНИЯ РУКУ ПОМОЩИ ПОДАЮЩАЯ;

РАДУЙСЯ, НЕМОЩНЫХ В ВЕРЕ УКРЕПЛЯЮЩАЯ.

РАДУЙСЯ, ДУХОВ ЗЛОБЫ ПОСРАМЛЯЮЩАЯ;

РАДУЙСЯ, ЖИТИЕМ СВОИМ АНГЕЛОВ УДИВИВШАЯ.

РАДУЙСЯ, КСѢНИЕ БЛАЖЕННАЯ, МОЛІТВЕННИЦЕ О ДУШАХ НАШИХ.

## **КОНДАК 12.**

БЛАГОДАТЬ ОБИЛЬНО ИСТОЧАЕШИ, КСЕНИЕ БЛАЖЕННАЯ,  
НА ЧТУЩИХ ПАМЯТЬ ТВОЮ И ПРИБЕГАЮЩИХ К ПОКРОВУ  
ТВОЕМУ.

ТЕМ ЖЕ И НАМ, ТЕБЕ МОЛЯЩИМСЯ, ИСТОЧИ ОТ БОГА  
СТРУИ ИСЦЕЛЕНИЯ, ДА ЗОВЕМ ЕМУ: АЛЛИЛУИА.

## **ИКОС 12.**

ПОЮЩЕ МНОГАЯ ЧУДЕСА ТВОЯ, БЛАЖЕННАЯ МАТИ,  
ВОСХВАЛЯЕМ ТЯ И ВСЕУСЕРДНО МОЛИМ, НЕ ОСТАВИ НАС  
ГРЕШНЫХ В СКОРБНЫХ ОБСТОЯНИЯХ, НО УМОЛИ  
ГОСПОДА СИЛ, ДА НЕ ОТПАДЕМ ОТ ВЕРЫ НАШЕЙ  
ПРАВОСЛАВНЫЯ, В НЕМ ЖЕ ТОБОЮ УТВЕРЖДАЕМИ ЗОВЕМ  
ТИ:

РАДУЙСЯ, СОСТРАДАТИ СТРАЖДУЩИМ НАС НАУЧАЮЩАЯ;  
РАДУЙСЯ, НЕМОЩИ НАША ВСЕУСЕРДНО ВРАЧУЮЩАЯ.

РАДУЙСЯ, РАСПИНАТИ ПЛОТЬ СО СТРАСТЬМИ И  
ПОХОТЬМИ НАУЧАЮЩАЯ;

РАДУЙСЯ, О ЧТУЩИХ ПАМЯТЬ ТВОЮ ХОДАТАИЦЕ И  
ПОКРОВИТЕЛЬНИЦЕ.

РАДУЙСЯ, СКОРБНЫЙ ПУТЬ ПРОШЕДШАЯ;

РАДУЙСЯ, СПАСЕНИЕ ВЕЧНОЕ СИМ УЛУЧИВШАЯ.

РАДУЙСЯ, КО ГРОБУ ТВОЕМУ ПРИТЕКАЮЩИМ ОТРАДУ  
ПОДАЮЩАЯ;

РАДУЙСЯ, О СПАСЕНИИ ОТЕЧЕСТВА НАШЕГО ПРИСНО  
ХОДАТАЙСТВУЮЩАЯ.

РАДУЙСЯ, КСЕНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

### **КОНДАК 13.**

О, СВЯТАЯ БЛАЖЕННАЯ МАТИ КСЕНИЕ, В ЖИТИИ ТВОЁМ  
КРЕСТ ТЯЖКИЙ ПОНЕСШАЯ!

ПРИИМИ ОТ НАС, ГРЕШНЫХ, МОЛЕНИЕ СИЕ, К ТЕБЕ  
ПРИНОСИМОЕ.

ОГРАДИ НАС МОЛИТВАМИ ТВОИМИ ОТ НАВЕТОВ ДУХОВ  
ТЪМЫ И ВСЕХ, МЫСЛЯЩИХ НАМ ЗЛАЯ.

УМОЛИ ВСЕЩЕДРАГО БОГА ПОДАТИ НАМ СИЛУ И  
КРЕПОСТЬ, ДА КИИЖДО ОТ НАС ВОЗЬМЕТ КРЕСТ СВОЙ И  
ВО СЛЕД ХРИСТУ ГРЯДЕТ, ПОЯ ЕМУ С ТОБОЮ: АЛЛИЛУИА.

### **ЭТОТ КОНДАК ЧИТАЕТСЯ ТРИЖДЫ, ЗАТЕМ ИКОС 1-Й И КОНДАК 1-Й.**

#### **ИКОС 1.**

РАВНОАНГЕЛЬНАГО ЖИТИЯ ВЗЫСКАЛА ЕСИ, БЛАЖЕННАЯ  
МАТИ, ПО УСПЕНИИ МУЖА ТВОЕГО ОТВЕРГЛА ЕСИ МИРА  
СЕГО КРАСОТУ И ВСЯ, ЯЖЕ В НЕМ:

ПОХОТЬ ОЧЕС, ПОХОТЬ ПЛОТИ И ГОРДОСТЬ ЖИТЕЙСКУЮ,  
ЮРОДСТВОМ РАЗУМ ХРИСТОВ СТЯЖАЛА ЕСИ.

ТОГО РАДИ УСЛЫШИ ОТ НАС ПОХВАЛЫ, ТЕБЕ  
ВОЗНОСИМЫЯ:

РАДУЙСЯ, ЖИТИЕМ ТВОИМ АНДРЕЮ, ХРИСТА РАДИ  
ЮРОДИВОМУ РАВНАЯ;

РАДУЙСЯ, ИМЕНИ СВОЕГО ОТРЕКШАЯСЯ, СЕБЕ ЖЕ  
УМЕРШЕЙ ИМЕНОВАВШАЯ.

РАДУЙСЯ, В ЮРОДСТВЕ ИМЯ МУЖА ТВОЕГО АНДРЕЯ  
ПРИЯВШАЯ;

РАДУЙСЯ, ИМЕНЕМ МУЖЕСКИМ НАЗВАВШИСЯ, НЕМОЩИ  
ЖЕНСКОЙ ОТРЕШИВШАЯСЯ.

РАДУЙСЯ, ВСЕ ИМЕНИЕ ТВОЕ ДОБРЫМ ЛЮДЯМ И НИЩИМ  
РАЗДАВШАЯ;

РАДУЙСЯ, НИЩЕТУ ДОБРОВОЛЬНУЮ ХРИСТА РАДИ  
ПРИЯВШАЯ.

РАДУЙСЯ, ВѢКА СЕГО СУЕМУДРИЯ ЮРОДСТВОМ ТВОИМ  
ОТВЕРГАТИСЯ НАС НАУЧИВШАЯ;  
РАДУЙСЯ, БЛАГАЯ УТѢШИТЕЛЬНИЦЕ ВСѢХ, В МОЛИТВЕ К  
ТЕБѢ ПРИБЕГАЮЩИХ.  
РАДУЙСЯ, КСѢНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.

**КОНДАК 1.**

ИЗБРАННАЯ УГОДНИЦА И ХРИСТА РАДИ ЮРОДИВАЯ,  
СВЯТАЯ БЛАЖЕННАЯ МАТИ КСѢНИЕ, ИЗБРАВШАЯ ПОДВИГ  
ТЕРПЕНИЯ И ЗЛОСТРАДАНИЯ, ХВАЛЕБНОЕ ПЕНИЕ  
ПРИНОСИМ ТИ, ЧТУЩИЯ СВЯТУЮ ПАМЯТЬ ТВОЮ.  
ТЫ ЖЕ ЗАСТУПИ НАС ОТ ВРАГ ВИДИМЫХ И НЕВИДИМЫХ,  
ДА ЗОВЕМ ТИ:  
РАДУЙСЯ, КСѢНИЕ БЛАЖЕННАЯ, МОЛИТВЕННИЦЕ О ДУШАХ  
НАШИХ.



Св. Юродивая Ксения Петербургская

**ПРИЖИЗНЕННЫЙ ПОРТРЕТ КСЕНИИ ПЕТЕРБУРГСКОЙ**